

宏妙公传

公以宦游迁湘生平行宜其详今不可得闻然乡人士婴疾病者辄拈香诣焉光绪己公墓所题文祷祝咸颂谭十二郎太公丑岁湘潭城中姓张氏者丧明已两载家人牵袂游衢道遇老人长髯大袖问其目疾为施药且语云余固湘乡沛霖塘谭十二郎也张归目复明既持束修常仪入境来谢询之里人僉惊曰沛霖塘有谭十二郎太公墓多灵验当是张乃致酒牲於墓所而去盖公历居沛霖塘宅没葬宅后山宅内有公神像公十三世孙伯淋公犹居此因以自名焉呼沛霖塘者音近古字更新也又近居李某患足疾数月不行尽昼假寐梦老人曰余为若治之觉而稍瘳意公灵扶服住祷公墓祷毕即健步归中有良医儿染白喉疫汤药不下咽者三日医乃焚香煮茗虔诚公因饮儿茗茗即下向晚儿见老人来掉喉出白颗弃之地旦日病痊凡公灵所及克起众生之沈痼病诸类此以故谒公墓仰公像者春秋不绝於道焉吁公殉经九百有余岁而救世之精灵犹往来天壤间此可见公生平所利济者广矣今公墓前林木茂秀居民怀德畏威莫敢斩刈远近士女献供且罗列森然裔孙瞻拜者闻磬声彻耳炉香泌鼻每惕息屏立低回不能去云